



N°5771
Reçue le 16.02.2022
Déclarée recevable
Président de la Chambre des Députés
(s.) Fernand Etgen
Luxembourg, 16.02.2022

Fernand ETGEN
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 16/02/2022

Här President,

Sou wéi den Artikel 80 vun eisem Chambersreglement et virgesäit, bieden ech Iech, dës parlamentaresch Fro un d'Ministere fir Aussenugeleeënheeten an Europa & Wirtschaft weiderzeleeden.

D'Action Solidarité Tiers Monde (ASTM) huet am Januar ee Rapport zu dem Respekt vu Mënscherechter op der Lëtzebuenger Finanzplaz publizéiert. An dësem Rapport ass d'ASTM drop agaangen, dass d'Finanzplaz éischt Fortschrëtter beim Thema Ëmweltschutz mëscht, mee d'Mënscherechter an deene seelenste Fäll eng Roll spillen, souwuehl bei de privaten Akteuren souwéi och bei de staatlechen Institutioenen.

An deem Zesammenhang wéilt ech de Ministeren dës Froe stellen:

1. Am Rapport geet d'ASTM op APERAM S.A. an, eng Ofsplitterung vun Arcelor Mittal mat Haaptsëtz zu Lëtzebuerg, un där de Staat 450'000 Aktien hält. Am November 2019 huet de Procureur général a Brasilien eng Procédure civile géint Aperam lancéiert, dëst well Gebitter a Brasilien duerch de Pestizid Aldrin verseucht goufen. Aperam gouf am Februar 2021 zu 235'000€ Schuedenersatz verurteelt a muss déi Betraffe Communautéiten iwwert d'Schied vum Aldrin opzeklären. D'Aperam ass dem Urteel laut ASTM bis haut net nokomm.

Huet de Lëtzebuenger Staat an deem Kader scho bei der Direktioun vun Aperam intervenéiert?

- Falls nee, wäert de Lëtzebuenger Staat hei als Aktionär bei Aperam intervenéieren, dass dem Urteel a Brasilien nokomm gëtt?
- Wann nee, firwat net?

2. Am Rapport gëtt d'ASTM och eng Réi Recommandatiounen, esou zum Beispill:

- *Increase efforts to raise awareness about the UNGP in the financial sector and help financial actors to align their practices with the UNGP.*
- *In the context of the National Action Plan 2020-2022 on Business and Human Rights, which foresees the implementation of pilot projects on human rights due diligence in companies with majority state ownership, the government should support the Luxembourg Pension*



www.piraten.lu

Fund on setting an example and incorporating human rights due diligence into its investment policy.

Wéi reagéiert d'Regierung op dës Recommendatiounen? Wäerte konkret Schrëtt geholl ginn, fir de Fuerderunge vun der ASTM nozekommen?

Mat déiwem Respekt,



CLEMENT Sven

Député





**Gemeinsam Äntwert vum Aussen- an Europaminister, Jean Asselborn, a vum
Wirtschaftsminister, Franz Fayot op d'parlamentaresch Fro n°5771 vum 16. Februar 2022 vum
honorablen Députéierten, dem Här Sven Clement**

1. D'Participatioun vum Lëtzebuenger Staat an der Firma Aperam, déi zu Lëtzebuerg gegrënnt ginn ass, läit bei 0,563%, esou dat den Lëtzebuenger Staat keng Aflosskapazitéit op däeren Geschäftsaktivitéiten besetzt.

D'Action judiciaire, déi vum honorablen Députéierten erwähnt gëtt, concernéiert net Aperam, mee eng brasiliaanesch Firma vum Grupp, Aperam Bio Energia, wéinst Fakten aus de Joren 1974-78. Zu deser Zait huet Aperam nach net existéiert, d'Lëtzebuenger Firma gouf 2011 gegrënnt. D'brasiliaanesch Justiz huet gehandelt an all juristesche Decisioun déi a Kraaft ass, muss natierlech respektéiert ginn.

2. De Lëtzebuenger Kompensatiounsfong („Fonds de compensation“) huet sech schon virun Joeren eng Exklusivléischt ginn fir Betriber aus dem Investissementsspektrum eraus ze huelen, déi erweisen géint international Konventiounen verstoussen, déi Lëtzebuerg ratifizéiert huet. Den Objektiv vun dëser Exklusivléischt ass fir ze versécheren datt dem Kompensatiounsfong seng Investissementer internationalen Normen entsprechen, wéi se an den zéng Prinzipien vum “United Nations Global Compact” festgehalen goufen. Des Prinzipien couvréieren d'Beräicher vun de Mënscherechter, vun der Ëmwelt, vun den internationalen Aarbechtsnormen, vum Kampf géint Korruptioun an der Eliminatioun vun kontroversen Waffen. Iwwer d'Joeren ass de Mechanismus vun der Exklusivléischt verbessert ginn, och op Basis vun der Expertise déi ëmmer méi détailléiert ass an déi mëttlerweil besser Analysemechanismen ubidd, déi vun international unerkannt Firmen en place gesat goufen. D'Exklusivléichten vum Kompensatiounsfong ginn regelméisseg ugepasst, sou datt aktuell 121 Firmen aus den Investissementer vum Fond ausgeschloss sinn. Hei sief op d'Äntwerten op déi parlamentaresch Froen n°5590 a n°4676 higewisen.

De Kompensatiounsfong presentéiert op senger Internetsäit een „Rapport d'investisseur responsable“, deem seng Donnéeën regelméisseg à jour gesat ginn, grad ewéi di aktuell Exklusivléischt. Doriwwer eraus, huet de Kompensatiounsfong am Moment 11 ESG Zertifikater an 1 “Environment” Zertifikat vun der Lëtzebuenger Agence LuxFLAG.

An deem Kontext kenne mer och op dei proposéiert EU-Direktiv hiweisen, déi den 23. Februar 2022 vun der Europäescher Kommissioun virgestallt gouf, an déi viséiert eng obligatoresch Suergfaltspflicht op d'Been ze stellen. Lëtzebuerg war eent vun deene Länner waat sech säit langemfir esou eng europäesch Direktiv agesaat huet.

Lëtzebuerg, den 21/03/2022

Le Ministre des Affaires étrangères et européennes

(s.) Jean Asselborn